



Broj: 02-33-1338/25

Velika Kladuša, 11.9.2025. godine

Na osnovu člana 65. i 66. Zakona o pravima, obavezama i odgovornostima pacijenata ("Službene novine Federacije BiH", broj 40/10) i 45. Statuta Općine Velika Kladuša ("Službeni glasnik Općine Velika Kladuša", broj: 12/11), Općinski načelnik Općine Velika Kladuša, objavljuje:

PONOVNI JAVNI POZIV
ZA IZBOR I IMENOVANJE ČLANOVA ZDRAVSTVENOG
SAVJETA OPĆINE VELIKA KLADUŠA

I

Objavljuje se PONOJNI Javni poziv za izbor i imenovanje članova Zdravstvenog savjeta Općine Velika Kladuša, budući da po Javnom pozivu broj: 02-33-1338/25 od 8.5.2025. godine i Dopunskom Javnom pozivu od 8.7.2025. godine nije zaprimljen dovoljan broj prijava.

Već zaprimljene prijave po navedenim pozivima će biti uzete u razmatranje prilikom utvrđivanja liste kandidata koji ispunjavaju uvjete za članstvo u Zdravstvenom savjetu.

II

Zdravstveni savjet broji 9 članova imenovanih iz reda predstavnika pacijenata, zdravstvenih radnika, nevladinih organizacija i Općine.

III

Zdravstveni savjet obavlja sljedeće poslove:

- predlaže i evaluira sprovođenje zdravstvene zaštite na području jedinice lokalne samouprave;
- daje mišljenje na planove i programe zdravstvene zaštite za područje lokalne samouprave, te predlaže mjere za poboljšanje dostupnosti i kvaliteta zdravstvene zaštite na svom području;
- prati primjenu propisa na području jedinice lokalne samouprave koji se odnose na zaštitu prava i interesa pacijenata;
- organizuje obrazovne kurseve za građanstvo iz poznavanja materije o pravima pacijenata i postojeće legislative;
- daje preporuke za organizaciju kurseva u zdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama;
- prati povrede pojedinačnih prava pacijenata na području jedinice lokalne samouprave;
- predlaže preduzimanje mjera za zaštitu i unapređenje prava pacijenata na području jedinice lokalne Samouprave;
- bez odgađanja obavještava zdravstveni savjet u kantonalnom ministarstvu o slučajevima težih povreda prava pacijenata koje mogu ugroziti život ili zdravlje pacijenata;

- podnosi skupštini jedinice lokalne samouprave i kantonalnom ministarstvu godišnji izvještaj o svom radu;
- obavještava javnost o povredama prava pacijenata;
- obavlja druge poslove određene Zakonom o pravima, obavezama i odgovornostima pacijenata.

IV

Pravo učešća na Javnom pozivu imaju sva fizička lica iz kategorija iz tačke II. ovog Javnog poziva koji ispunjavaju sljedeće uvjete:

- 1) Najmanje srednja stručna sprema zdravstvenog smjera (za kategoriju članova iz reda zdravstvenih radnika),
- 2) Da su državljani Bosne i Hercegovine, stariji od 18 godina, sa prebivalištem na teritoriji općine Velika Kladuša.

Uz prijavu na Javni poziv se dostavlja:

- 1) Kraća biografija uz obaveznu naznaku pripadnosti kategoriji iz tačke II. Javnog poziva; u biografiji obavezno navesti datum i godinu rođenja, državljanstvo i mjesto prebivališta;
- 2) Dokaz o stručnoj spremi.

Napomena: Za kandidate koji budu imenovani u Zdravstveni savjet bit će izvršena službena provjera činjenice državljanstva i prebivališta.

V

Općinski načelnik će imenovati Komisiju za provođenje javnog poziva, koja će na osnovu pristiglih prijava sačiniti listu kandidata koji ispunjavaju uslove javnog poziva te istu dostaviti Općinskom načelniku. Općinski načelnik će rješenjem imenovati Zdravstveni savjet iz reda kandidata koji ispunjavaju uslove javnog poziva.

IV

Prijave na Javni pozive dostaviti najkasnije u roku od 15 dana od dana objave Javnog poziva na službenoj internet stranici Općine Velika Kladuša i Oglasnoj tabli Općinskog organa uprave Općine Velika Kladuša i to preporučeno poštom ili ličnom dostavom, na adresu:

Općina Velika Kladuša
Ulica Hamdije Pozderca br. 3,
sa naznakom: "Ponovni Javni poziv za izbor i imenovanje članova Zdravstvenog
savjeta Općine Velika Kladuša"

Dostaviti:

1. Web stranica Općine Velika Kladuša,
2. Oglasna tabla,
3. a/a.

